

3

13. jan. Leita skal staðfestingar forseta Íslands á skipulagsskrá þessari og hún birt í B-deild Stjórnartíðinda.

7. gr.

Ytra-Hólmi, 16. nóvember 1957.

Þorbjörn Sveinbjarnarson.

Handsalað.

4

13. jan.

REGLUGERÐ

um heimilishjálp í Torfalækjarhreppi.

1. gr.

Kvenfélag Torfalækjarhrepps fer með stjórn heimilishjálpar í Torfalækjarhreppi undir yfirstjórn hreppsnefndar Torfalækjarhrepps.

Dagleg umsjón með framkvæmdum heimilishjálparinnar í Torfalækjarhreppi er í höndum formanns kvenfélags hreppsins, og á hann rétt á að sitja fundi hreppsnefndar þegar rædd eru mál, sem varða heimilishjálpinu, og hafa þar málfrelsi og tillögurétt.

2. gr.

Hlutverk heimilishjálparinnar er að veita hjálp á heimilum, þegar sannað er með vottorði læknis, ljósmóður eða á annan hátt, sem forstöðukona heimilishjálparinnar metur gilda, að hjálpar sé þörf um stundarsakir vegna sjúkdóma, barnsburðar, slysa, dauðsfalla eða af öðrum ástæðum.

Hjálpin skal að jafnaði ekki veitt til lengri tíma í senn en 14 daga.

3. gr.

Heimilishjálpin skal jafnan leitast við að hafa til taks eina konu til heimilishjálpar.

Forstöðukonunni ber að ganga örugglega úr skugga um, að konur þær, sem heimilishjálp stunda á vegum hreppsins, séu hæfar til starfsins og hafi heilbrigðisvottorð héraðslæknis.

Um launakjör og hlunnindi starfsfólks heimilishjálparinnar fer eftir ákvörðun hreppsnefndarinnar.

4. gr.

Hreppsnefnd Torfalækjarhrepps ber ekki fjárhagslega ábyrgð á tjóni, sem konur þær, er vinna á vegum heimilishjálparinnar, kunna að valda við störf sín.

5. gr.

Stjórn heimilishjálparinnar ákveður hvert form skuli vera á umsóknum um heimilishjálp.

Hreppsnefnd hreppsins getur veitt eftirgjöf á greiðslu fyrir heimilishjálp að nokkru eða öllu leyti að fengnum tillögum forstöðukonu heimilishjálparinnar.

6. gr.

Fyrir heimilishjálp skal greitt eftir gjaldskrá, er hreppsnefnd Torfalækjarhrepps setur, að fengnum tillögum almenns sveitarfundar og ráðherra staðfestir.

Hreppsnefndin setur nánari reglur um greiðslur, innheimtu og annað, er hún telur máli skipta í þessu efni.

7. gr.

4

Reikningar heimilishjálparinnar skulu endurskoðaðir árlega með sama hætti og reikningar sveitarsjóðsins. 13. jan.

8. gr.

Sá halli, sem verða kann af heimilishjálpi, sem veitt er samkvæmt lögum um heimilishjálpi í viðlögum og samþykkt þessari, greiðist að $\frac{1}{3}$ úr rikissjóði en $\frac{2}{3}$ úr sveitarsjóði hreppsins.

Reglugerð þessi, sem hreppsnefndin í Torfalækjarhreppi hefur samið og samþykkt samkvæmt lögum nr. 10 25. jan. 1952, um heimilishjálpi í viðlögum, staðfestist hér með til þess að öðlast þegar gildi, og birtist til eftirbreytni þeim, sem hlut eiga að máli.

Félagsmálaráðuneytið, 13. janúar 1958.

F. h. r.

Hjálmar Vilhjálmsson.

Jón S. Ólafsson.

REGLUGERÐ

5

16. jan.

um fjallskil, fjármörk o. fl. í Vestmannaeyjum.

1. gr.

Hver fjáreigandi í Vestmannaeyjum er skyldur til að leggja mann eða menn til fjársafnsins, eftir því sem fjallskilanefndin fyrirskipar. Heimilt er fjallskilanefnd, ef hún þykist geta gert það safninu að skaðlausu, að lofa tveimur eða fleirum að leggja saman.

2. gr.

Fjáröfn eru 3, öll að haustinu. Auk þess má fjallskilanefnd kveðja til auka-safns að vori eða vetri, ef þurfa þykir. Fjallskilanefnd ákveður, hvenær ganga skal til hvers einstaks safns, en auglýsa skal hún það minnst degi á undan á hér tíðkanlegan hátt. Enn fremur skal hún kalla sérstaklega hvern skyldan mann í safnið að morgni þess dags, sem safnað er.

3. gr.

Fjallskilanefnd ákveður, hvaða svæði fjáreigendur hver um sig skuli láta leita. Skulu þeir leggja til fullgildan mann til þeirra leita, sem fari af stað, undir eins og búið er að kalla. Þyki fjallskilanefnd einhverjir hafa sent menn, sem eigi séu gildir, má hún taka aðra á þeirra kostnað í eftirleit, ef fé hefur orðið eftir og kæra þá til sekta.

4. gr.

Allar leitir skulu fara fram samhliða, svo eigi tynist fé eða renni á milli og ber gangnamönnum að haga sér í göngunum eftir fyrirmælum fjallskilanefndar eða þeirra, sem í umboði hennar stjórna safninu.

5. gr.

Safnrétt Vestmannaeyja skal vera í Döllum. Um viðhald réttarsvæðis sér bæjar-sjóður Vestmannaeyja.